



EASTERN PARTNERSHIP
CIVIL SOCIETY FACILITY



«ԻՐԱՎԱԲԱՆՆԵՐԻ ՀԱՅԿԱԿԱՆ ԱՍՈՑԻԱՑԻԱ» ՀԿ

ՊԱՇՏՈՆԱԿԱՆ ԿԱՆՈՆՆԵՐ

«ՀՀ Մարդու իրավունքների պաշտպանության ազգային ռազմավարություն.
մարտահրավերներ և հեռանկարներ» թեմայով հանրապետական
գիտաժողովի

Երևան 2020թ.

Պաշտոնական կանոն 0.0 Սահմանումներ

Սույն կանոններում օգտագործվող հասկացությունները օգտագործվում են հետևյալ իմաստով.

«**Կազմակերպիչ**» սույն կանոնների իմաստով նշանակում է գիտաժողովի ցանկացած փուլի կազմակերպիչ:

«**Գիտաժողովի փուլ**» գրավոր և բանավոր փուլերի դեպքում օգտագործվում է համապատասխան փուլ իմաստով:

«**Գիտաժողով**» օգտագործվում է 2020թ. հուլիս-օգոստոս ամիսներին կազմակերպվելիք «**ՀՀ Մարդու իրավունքների պաշտպանության ազգային ռազմավարություն. մարտահրավերներ և հեռանկարներ**» թեմայով հանրապետական գիտաժողովի իմաստով:

«**Զեկույց**» օգտագործվում է յուրաքանչյուր մասնակցի կողմից սույն կանոնների դրույթների համաձայն գրված և գիտաժողովի կազմակերպչին ներկայացրած գրավոր զեկույց իմաստով:

«**Բանավոր փուլ**» նշանակում է մասնակցի զեկույցի բանավոր ներկայացման փուլ:

«**Տույժեր**» կիրառվում է որևէ կանոնի խախտման համար նախնական միավորի իջեցմամբ:

«**Կանոններ**» օգտագործվում է զեկույցի սույն պաշտոնական կանոններ, ինչպես նաև ցանկացած այլ կանոնների հավելված իմաստով:

«**Մասնակից**» օգտագործվում է կազմակերպչին սահմանված ժամկետում գիտաժողովին մասնակցելու հայտ ներկայացրած ուսանող իմաստով:

«**Զեկույցի թիվ (համար)**» օգտագործվում է գիտաժողովի ժամանակ յուրաքանչյուր զեկույցի համար հատուկ թվային տարբերակում իմաստով:

«**Փուլ**» օգտագործվում է գիտաժողովի տարբեր մակարդակներ իմաստով:

ՊԱՇՏՈՆԱԿԱՆ ԿԱՆՈՆ 1.0 Գիտաժողովի կազմակերպումը

1.1 Կազմակերպիչ.

«Իրավաբանների հայկական ասոցիացիա» ՀԿ, ք. Երևան 0010, Նալբանդյան 7, գրասենյակ 2, հեռ.՝ 010 54 01 99, էլ. փոստ՝ info@armla.am:

1.2 Գիտաժողովի ընթացակարգը.

Գիտաժողովը բաղկացած է երկու փուլերից.

- 1) գրավոր փուլ,
- 2) բանավոր փուլ:

1.3 Գիտաժողովի անցկացումը.

Յուրաքանչյուր փուլ անցկացվում է կազմակերպչի կողմից սահմանված վայրում և պետք է իրականացվի սույն կանոնների համաձայն: Պահպանելով հակահամաճարակային կանոնները՝ գիտաժողովը անցկացվելու է առցանց հարթակում: Մանրամասները կտրամադրվեն:

ՊԱՇՏՈՆԱԿԱՆ ԿԱՆՈՆ 2.0 Գիտաժողովի մասնակցության իրավունքը և կարգը

2.1 Գիտաժողովին մասնակցելու իրավունք ունեցող անձինք.

ՀՀ ԲՈԻՀ-երի իրավաբանական ֆակուլտետների 3-րդ և բարձր կուրսերի, մագիստրատուրայի, ասպիրանտուրայի ուսանողներ, և մինչև 30 տարեկան իրավաբաններ:

ՊԱՇՏՈՆԱԿԱՆ ԿԱՆՈՆ 3.0 Մասնակիցների գրանցումը և մասնակիցների զեկույցները

3.1 Մասնակիցների գրանցման ձևը և գրանցումը.

Գիտաժողովին մասնակցել ցանկացողները մինչև **2020թ.-ի հուլիսի 25-ը ներառյալ** պետք է էլեկտրոնային եղանակով գրանցվեն [այստեղ](#):

3.2 Ձեկույցների ընդունման կարգը և ժամկետները.

- 1) Գիտաժողովին մասնակցելու համար գրանցված յուրաքանչյուր անձ պետք է մինչև մինչև **2020թ. օգոստոսի 3-ը** ներառյալ info@armla.am էլ. հասցեին ուղարկի հայտարարության մեջ նշված ուղղություններից որևէ մեկով պահանջվող զեկույցը:
- 2) Ձեկույցի փաթեթը ընդունվում է կազմակերպչի կողմից և յուրաքանչյուր զեկույց ստանում է անհատական համար:
- 3) Ձեկույցի անհատական համարը տրվում է զեկույցը կազմակերպչին հանձնելու համար սահմանված ժամկետը լրանալու հաջորդ օրը: Ձեկույցները ստուգող խմբի և տեխնիկական ստուգում իրականացնող անձնակազմի կողմից ստուգվում և գնահատվում են մինչև **2020թ. օգոստոսի 10-ը ներառյալ**:

3.3 Ձեկույցի ինքնությունը հաստատող համարը.

Գիտաժողովի յուրաքանչյուր մասնակցի զեկույց կունենա կազմակերպչի կողմից տրված անհատական համար (թիվ): Մասնակիցները պետք է այդ համարները օգտագործեն միայն

ինքնության հաստատման նպատակով: Համարի գաղտնիության ապահովման պարտականությունը դրվում է կազմակերպչի վրա:

3.4 Ձեկույցների ֆորմատը.

Բոլոր զեկույցները պետք է համապատասխանեն հետևյալ ֆորմատին.

- 1) 10-15 համակարգչային էջ,
- 2) A4 ֆորմատի (21x29,7 սմ) թղթի վրա,
- 3) տեքստի տառատեսակը և չափսը՝ Sylfaen 12,
- 4) զեկույցի տեքստի բոլոր մասերը, ինչպես նաև տողատակի ծանոթագրություններն ու խորագրերը, պետք է լինեն միաբացվածք (single-spaced),
- 5) լուսանցքների պահպանումը բոլոր կողմերից պետք է ունենա 2.5 սմ՝ չհաշված էջահամարները:

3.5 Ձեկույցի նկարագիրը.

Ձեկույցը պետք է բաղկացած լինի հետևյալ մասերից.

- 1) Բովանդակություն,
- 2) Ներածություն,
- 3) Նկարագրական մաս,
- 4) Եզրափակիչ մաս,
- 5) Օգտագործված գրականության ցանկ:

ՊԱՇՏՈՆԱԿԱՆ ԿԱՆՈՆ 4.0 Դատավորները

4.1 Գիտաժողովի գրավոր և բանավոր փուլերի դատավորները և նրանց ընտրման կարգը.

Գիտաժողովի գրավոր փուլը գնահատում է համապատասխան մասնագետներից կազմված ստուգող խումբը, որի անհատական կազմը և թվաքանակը որոշվում է կազմակերպչի կողմից:

ՊԱՇՏՈՆԱԿԱՆ ԿԱՆՈՆ 5.0 Գիտաժողովի փուլերը

5.1 Գրավոր փուլ

Գիտաժողովի գրավոր փուլում առավելագույն միավորներ հավաքած մինչև 5 լավագույն մասնակիցները կանցնեն գիտաժողովի հաջորդ՝ բանավոր փուլ: Գրավոր փուլում դատավորների կողմից մասնակիցներին նշանակած միավորները կազմակերպչի կողմից կարող են նվազեցվել՝ ըստ սահմանված տույժերի: Գիտաժողովի գրավոր փուլի ստուգումը և գրավոր փուլի արդյունքների ամփոփումը կատարվում է **2020թ. օգոստոսի 3-ից մինչև օգոստոսի 10-ն** ընկած ժամանակահատվածում:

5.2 Բանավոր փուլ

Գիտաժողովի բանավոր փուլում յուրաքանչյուր մասնակցի զեկույցի ընդհանուր միավորները որոշվում են՝ զեկույցները գնահատող դատավորների ժյուրիի յուրաքանչյուր անդամի կողմից նշանակած միավորների ընդհանուր գումարով: Գիտաժողովի բանավոր փուլն անցկացվելու է **2020թ. օգոստոսի 14-ին**: Գիտաժողովը կանցկացվի առցանց հարթակում, որի մասին կտրամադրվի լրացուցիչ տեղեկատվություն:

Գիտաժողովի մրցանակաբաշխությունը տեղի կունենա գիտաժողովի բանավոր փուլի ավարտից հետո:

Գիտաժողովի գրավոր և բանավոր փուլի բոլոր մասնակիցները կպարգևատրվեն համապատասխան հավաստագրերով, իսկ առաջինից երրորդ հորիզոնականներ զբաղեցրած երեք մասնակիցները կխրախուսվեն նվերներով:

ՊԱՇՏՈՆԱԿԱՆ ԿԱՆՈՆ 6.0 Տույժեր

6.1 Զեկույցներին առնչվող տույժեր

Սույն աղյուսակի համաձայն զեկույցներին առնչվող կանոնների խախտումների համար կիրառվում են տույժեր.

<u>Կանոնի համարը</u>	<u>նկարագիրը</u>	<u>Կիրառվող տույժը</u>
6.1.1	Զեկույցում ինքնության կամ ԲՈՒՀ-ի անվան վերաբերյալ որևէ նշում	5 միավոր (մեկ անգամ)
6.1.2	Միավ տառատեսակի կամ տառերի սխալ չափսի օգտագործում, սլվյալ տառատեսակի սխալ չափսի օգտագործում, տողերի միջև սխալ տարածություն կամ մեջբերումների սխալ ձև	1 միավոր յուրաքանչյուր խախտման համար, ընդհանուրը՝ մինչև 5 միավոր
6.1.3.	Էջերի սահմանափակում	15 էջը գերազանցող յուրաքանչյուր էջի համար 1 միավոր, առվելագույնը 4 միավոր
6.1.4.	Անհամապատասխան լուսանցքներ	յուրաքանչյուր էջի համար 0,5 միավոր, առավելագույնը 2 միավոր

Գիտաժողովը կազմակերպվում է «Ուղիղ ժողովրդավարության խթանում՝ Հայաստանում մարդու իրավունքների ամրապնդման համար» ծրագրի շրջանակներում, որը ֆինանսավորվում է ԵՄ ֆինանսական աջակցությամբ իրականացվող «Արևելյան գործընկերության Քաղաքացիական հասարակության գործիք» ծրագրի կողմից: